

诗社展台

东阳诗词学会作品选

严梅兰 登旧城墙有怀

东城新绿满春芳，古迹闲寻见旧墙。
燕子不知王谢换，花前共蝶互争香。

渔家傲·石舍隐逸

深涧白云闲照水，乔松修竹群山翠。幽石枕流光影异，微风起，游鱼凌跃谁知意？
芳径绮窗雕柱细，河图八卦玲珑地。何处浮杯斟绿蚁，图一醉，轻桡短棹斜阳里。

胡永清 晨雪

才藏青霓袖，即换白瑶衣。
风止乾坤静，雪封车马稀。
枝琼横石径，梅秀漫林扉。
美景携妻赏，怡然共去归。

夜宿社姆山

云涧清幽堪避暑，重林着意听松涛。
山楼有榻禅居静，朗夜无喧北斗高。

植树节

荷锄植柳带青回，新绿三千一日栽。

待得南林初吐秀，始邀啼鸟上春台。

金一初 慈坞拥翠

慈高坞岭柏松多，碧玉琳琅爽籁歌。
烂漫迷离争拥翠，生机焕发满山阿。

毛正古树

春来翠盖缀霞延，说雨听风意泰然。
勇接金风为洗礼，银钩铁画写青天。

吕静慧 清明返乡

桤清桥下清流缓，岸柳垂枝惜别离。
花染衣巾吹且落，苔生庭院践还滋。
莺啼恰恰迎春早，泉咽幽幽探祭迟。
风去云来成远近，梧桐夜雨诉乡思。

归客

昨日余晖妍影静，南朝旧事水岚轻。
城头朔变孤风月，燕子楼空又一更。

叶序忠 酬钱法成老厅长东阳办画展贻我墨宝

东馆墨龙腾紫霞，鹇珠一颗赠吾家。

书涵浑厚遒而逸,气透清和秀且华。
熠熠繁星临地角,深深博学采天涯。
同心弘道倾全力,不信西山日已斜。

王秋珍 浣溪沙·东阳木雕

几绺竹丝成笔仙,挥书旧梦渺云烟。
生香活色几多怜? 暑往寒来描美锦,
朝乾夕惕育才贤。梨花一树站春田。

许岳忠 雁门关怀古

崇山回雁雄关险,月黑风高铁马临。
戍国武夫安禹甸,思乡游子念亲心。
柝声金鼓峰峦旋,鹤唳儿郎血泪涔。
烽火尽消朝日艳,瑰奇景致伴琴音。

吴维荣 学诗词(四首录二)

诗海探珠意趣稠,锦词丽句美堪收。
比兴敷彩神思远,平仄调谐境界求。
屑小及微寻至理,恢宏馭大掬风流。
心中旗帜昭昭在,李杜苏辛立案头。

雅韵清言心底痴,唐松宋柏仰高枝。
长吟常涌虹霓想,短啸每翻风雨思。
珠落玉盘篇可诵,神游仙境景称奇。
几行文字千般味,陶冶人生世永垂。

张美兰 元宵李宅观灯

鼓箫阵阵霓裳舞,百叶荷花戏月弹。
天帐重开游客醉,蟾程灯彩秀江南。

游 云

天海游云闲聚散,逍遥无迹去随风。
功名利禄浮尘物,一世清欢几白翁。

虞晓刚 观《玉簪记·琴挑》

浮云缱绻露华浓,欲语还休隔几重?
长叹相思无处寄,短书红简有心从。
朱弦声杳传花径,碧水灯残听壁蛩。
翡翠衾寒谁与共,芙蓉月印望双峰。

吕国喜 《暮春有感》

杏坛千里燕山客,六度江头送暮春。
半落半开花有恨,几晴几雨地无尘。
艰难不耐青丝鬓,潦倒终沦赤胫民。
若种芳菲心垄上,荒芜尽去见真人。

黄跃平 夏日白云

白似羊群轻似梦,千变万幻竟还空。
遮阳化雨心中愿,却要随缘借夏风。

夜读所思

月色幽幽星璀璨,群峰寂寂掩高台。
诗书灯火床前梦,富贵功名陌上埃。

张可全 福州状元岭秋思

生愁古道染秋襟,月伴氤氲入梦沉。
些许凉晨归雁远,奔波来往异乡人。

梦笔山有怀

被贬江郎一梦萦,踏歌五彩满诗情。
生花妙笔凌天赋,叫绝孤山亦改名。



注：南朝江淹因梦得妙笔而文采天下，后人将孤山改为梦笔山，成语妙笔生花由缘于此。

赵黎明 冬望

晨雾迷蒙难见绿，山花蓄势隐无踪。
严冬过后春来近，烂漫盈眸万簇红。

汤光尧 咏东白春芽

曼妙出轻纱，兰香自浅嗟。
草堂归客倦，半盏雨前芽。

雨打荷叶

牵魂佳讯未南临，双眼朦胧欲湿襟。
故里荷池珠玉溅，声声却叩远游心。

金雪梅 行香子·赞东阳

似画长廊，日换新妆，望家乡、别墅楼房。碧波两岸，无限风光。有花儿妍，柳儿碧，鸟儿翔。 今日东阳，处处芬芳，谱新篇、富庶安康。钟灵毓秀，隽逸八方。赏雕城奇，影城耀，绿城昌。

卢益萍 鹊桥仙·上元节观李宅荷花灯会

芙蕖凝露，鱼龙戏浪，今夜月塘璀璨。八仙暗渡换华年，锦帐暖，笙箫婉转。 古祠披彩，绮楼挂月，火树银花堪叹。轻裘朱履会波心，恰盛景，春潮漫卷。

蔡佳丽 纪念穆旦诞辰 100 周年

往日崎岖君记否，野人山上骨成泥。
廿年皓首无他悔，一片丹心岂自凄。
命蹇犹思留印迹，时穷不忘贯东西。
昔人已作飞鸿去，后世纷然忆旧题。

何文 冬至吟

枯树寒蝉落，空庭冻蕊僵。
何愁长夜冷，已嗅腊梅香。

题肃雍堂仪门

南望仪门飞捷报，三峰云外翠巍巍。
华堂旌表千秋远，更看今朝旭日晖。

杨云中 故乡晨云

一江柔水照晨红，万羽金鳞渡碧空；
玉阙琼姿何处是，故城回望彩云中。

李陈春 秋思

桂子花开风满院，秋虫切切耳边来。
无言独坐西窗下，静看银轮已忘怀。

观夏云

白日青天盛夏风，霞绡缕缕挂晴空。
浮云变幻金光透，转眼苍穹尽染中。

王霞霞 日暮登苍岭古道

古道盘纤入莽苍，群峰次第著红裳。
山头却望凌风鸟，深处烟云一两房。

回故园有感

无边光景好溪头，点点纤云玉镜游。
何必仙山待鸾鹤？故园处处是瀛洲。
注：好溪，吾故乡缙云之母亲河也。

夜醒涂鸦

远钟入枕梦难成，更有风蝉聒聒鸣。
起傍西窗乱涂画，一帘淡月故人情。

蒋金龙 鹧鸪天·除夕

万里关河夜不迢。一年将尽只今宵。
连天爆竹惊虚幻，璀璨烟花照寂寥。
日已煖，月将韶，东风与我共妖娆。
相思故国云山外，梦入烟波度洛桥。

临江仙·戊戌端午

神州今日逢端午，吟边凭吊前朝。
青蒲碧艾两相邀。月明波渺渺，雨黯路迢迢。
人生到处如过客，风尘南北飘萧。千年意气尚堪豪。
樽前谁与会，痛饮咏离骚。

蔡竹祥 渔家傲·八达岭登长城

京北雄关堪傲世，蟠旋腾跃千般势。
到此皆生攀顶意，需勇气，河山一览斜阳里。
伫想当年御寇计，延绵嶂壑连烽燧。
岁月沧桑成胜地，惆怅起，征夫十万谁将记。

姚肖君 蝶恋花·阿溪上已节流觞分韵得“鸟”字

几缕闲云眠树杪。艳冠桃花，惊落南飞鸟。
袅袅清风诗未了，潺潺流水知多少。
顾盼不知觞已到。纵有华章，欲语无词巧。
把盏连连声渐悄，花丛醉卧无人晓。

楼伟高 新春

新绿初苏满柳湾，西园宿蝶欲飞还。
绿生红绽欢流水，笔下春风喜气颁。

春归夏至

绿萌铺野饯春归，贴水荷莲展夏衣。
瓜蔓初牵槐叶闹，青梅新露燕雏飞。
煮茶对句言花瘦，把酒裁诗咏柳肥。
四季寸金同贵贱，白驹过隙当争晖。

陈益林 冷空调

杨妃无计逃长暑，罗扇千挥汗亦淋。
我辈远超皇室福，清凉国里憩身心。

刘艳红 题春游照片

蒹葭采采黛山葱，吾爱绯红胜艳红。
不做人间真国色，也添丽色与春融。

观照片有感

一树山花红烂漫，满天霞彩雾弥峦。
凭栏万壑依山径，好引诗人半日观。

倪新火 偶得

帘外千丝雨，斋中读史经。
心宽天地远，静坐赏清灵。



晨赏东白山雾淞

昨夜寒风凝雨雾，冰花万树绽琼枝。
披霞玉宇崖边立，疑是东瀛阆苑移。

程艳群 春乡行吟

城外芳华艳，香云降满垠。
蝶戏桃瓣俏，蜂恋杏浆醇。
花雨纷纷落，和风细细熏。
何须新绿蚁，醉倒探春人。

韦俊图 与王瑞敏等老师清潭挖笋

乡陌蓊茸翠，山花烂漫红。
莺声啼谷静，蝶羽舞春融。
尝野知真味，荷锄运劲风。
清心云水外，俗事有无中。

叶序梅 一剪梅·东阳金秋

已是秋分暑热残，收获时令，喜满心田。采菱摘榧妇孺忙，稻熟鱼肥，枣脆瓜甜。白露无霜未觉寒，气爽风清，影视游欢。东阳美景待嘉宾，社姆三都，鉴赏峰峦。

注：社姆三都指社姆山景区、三都胜景，该两景区均为浙江省级风景名胜區。

金毛儿 夏日新农村即景

绿树荫浓街道长，高楼倒映鸭游塘。
槌衣阵阵蝉鸣奏，满架葡萄风送香。

华柯 元夜一经堂诗会

瑞气满园不夜天，盈盈笑语闹喧妍。

兰亭宴罢杯犹暖，泉月吟时花未眠。
十字街头歌胜曲，一经堂里诵诗联。
勤研好问无年老，皓首红颜共向前。

李晓春 枣林深处

枣林蜂动涟漪起，花乳团团馥郁围。
布谷声声幽处转，满天绿荫浸凉衣。

谢晶 踏春

花归笔架春风度，水暖东江绿渚低。
最是山城晴正好，莺逐雀燕向云嬉。

郭利丹 三月三踏歌行

虎鹿山乡多蕙质，诗情满溢水流觞。
欢歌笑语群山醉，三月桃花媚上墙。

胡江荣 水调歌头·似水流年

年岁悄然过，无悔转头空。青春满志英华，何恋晚霞红。日月相辉岁岁，廖落星辰依旧，管鲍更情浓。论道古今事，尽在畅魂中。叹流年，怜旧梦，笑苍穹。韶华指顾，回眸一甲瞬成翁。世事风云看遍，切莫高宏满志，阔论再英雄。柳老家乡地，舞墨满帘风。

吴军红 减兰·采芝

长空雁过，江上日出浮两个。泽唱山吟，葱郁松林远嶂深。蓬莱雾断，满目芳菲蝶舞伴。采芝辛勤，觅入悠悠一片云。



新 北 集

浙江经济职业技术学院学生习作选

李雨晴 十六字令
天，休使神州
忘屈原！离骚在，
英魄耀人间。

周森森 忆江南
江南忆，越地
桂花香。三两渔家
摇短棹，悠悠乡曲
绕湖塘。极目水烟
茫。

李 薛 忆王孙·
读杜诗有感

高官富贵转头空，盛世清明生不逢。草木山河入梦葱。又何从，僵卧孤村思建功。

章 薇 忆江南·故城

江山旧，人间何事愁？不道故人何处去，何来新友欲相留。一曲上高楼。

于伊岚 忆江南

江南忆，风景好无言。嫩绿柳掀春日絮，潺湲水润万重山。明月挂江天。

吴琦琦 十六字令

花，满院秋菊实可夸。西风起，芳馥满天涯。

陈佳乐 捣练子

灯火夜，不眠城。酒绿灯红未寐声。年

少梦随流水转，假真同我两相争。

贺 奎 秋景

秋入西湖风渐起，钱塘潮涌梦相依。萧萧古树鸦低语，屋前桂影落人衣。

程梦庭 秋

秋风瑟瑟雨微凉，吹落愁丝遍地伤。昔日时光虽不复，庭前尚有桂花香。

金晓因 无题

月落乌啼烟水寒，天高山远忆乡关。青梅竹马他乡遇，底事相识却未言？

秋 至

初秋日落爽风起，迎面桂花生细香。印月西湖聊一望，诗心点点意兴长。

陈 倩 钱塘潮

晴天急浪入空茫，气卷声驱马放缰。此起彼伏吞两岸，乾坤此是好风光。

蔡文捷 秋景

繁花渐去萧萧月，落叶飘零瑟瑟秋。柳瘦莫催西子水，霜寒雁影宿沙洲。

来钟涛 新生活

世纪腾飞万业新，青山绿水映乡村。人间百味当拼搏，更待友人相与论。

徐 静 乡愁

无尽长江天际流，悠悠明月照心头。故乡遥望迷云路，灯火万家空倚楼。

